

UDALEKU IREKIAK / 2024

Oinarriak eta arauak

1.- Udalekuen helburuak

Udalekuen helburu nagusia da aisialdi giroan haurren artean euskararen erabilera sustatzea. Horrez gain, udalekuetan balio hauek ere landuko dira: hezkidetza, kultur aniztasuna eta inklusibitatea.

2.- Datak, ordutegiak eta elkartzeko tokiak

Arantza, Bera, Etxalar eta Igantzi:

Uztailaren 1etik 26ra (4 aste; izen emateak asteka egiten ahal dira), 10:00-13:00. Uztailaren 25a jai eguna da eta ez da udalekurik izanen.

Arantza: Arantzako Herri Eskola

Bera: Ricardo Baroja I.P. / Labiaga Ikastola

Etxalar: Landagain I.P.

Igantzi: Igantziko I.P.

Lesaka:

Uztailaren 15etik abuztuaren 30era (7 aste; izen emateak asteka egiten ahal dira), 9:00-13:00. Uztailaren 25a eta abuztuaren 15a jai egunak dira eta ez da udalekurik izanen. Tokia: Irain I.P.

Herri batean talde bat sortzeko gutienez 15 haur beharko dira.

3.- Nork hartzen ahal du parte?

- 3-12 urte bitarteko (2012-2020 urteetan jaiotako) haurrek.
- Bortziriako udalerriren batean erroldatuak edota bertako ikastetxeetako ikasleek. Udalekuak euskaraz direnez, parte hartzaileek D edo B ereduan ikasi behar dute. Mankomunitateak baldintza horiek egiaztatzeko behar diren agiriak eskatuko ditu, udal eta ikastetxe bakoitzean.
- Izen emateko epea bukatu ondotik plazak soberan izanez gero, Bortziritan erroldatuak ez diren edota bertako ikastetxeetako ikasleak ez diren haurrak matrikulatu ahal izanen dira, baina ezinbertzeko baldintza izanen da D ereduan matrikulatuak egotea. Hori egiaztatzea familiari dagokio.
- Behar bereziak dituzten haurrentzako 3 plaza gordeko dira. Haur horiek begirale bana behar dutela erabakitzeko orduan osasun eta hezkuntza arloko profesionalek aurkeztutako txostenak hartuko dira aintzat. Adinari dagokionez, 15 urte bitartekoek parte hartzen ahal dute (2009-2020 bitartean jaiotakoek). Izen emana ahala beteko dira plazak.

4.- Izen ematea

- Izena ematea online eginen da edota www.bortziriak.eus webgunetik.
- Izena emateko epea zabalik egonen da maiatzaren 31ra arte.
- Izena ematean bakoitzak nahi dituen asteak hautatuko ditu.
- Udalekuetan onartuak izan diren haurren asistentzia kontrolatuko da. Astebetez udalekuetara justifikatu gabe joaten ez diren hurrek plaza galduko dute eta erreserban daudenei parte hartzeko aukera emanen zaie. Plaza galtzen duten familiek ez dute dirua berreskuratzeko aukerarik izanen.
- Plaza kopurua mugatua da. Izena emana ahala onartuko dira parte hartzaileak, eskaintako plazak bukatu arte eta betiere arestian aipatutako baldintzak betetzen badira.
- Matrikula ordaintzeko epea ekainaren 9ra artekoa izanen da; egun horretarako ordainketa ez badago egina, izen emateak balioa galduko du.

5.- Matrikulen prezioak (ordua 1,5 €)

Arantza, Bera, Etxalar eta Igantzi (asteen 15 ordu):

	Aste 1	2 aste	3 aste	4 aste
Ume 1	22,50 €	45,00 €	67,50 €	90,00 €
2 anai-arreba (-%15)	38,25 €	76,50 €	114,75 €	153,00 €
3+ anai-arreba (-%30)	47,25 €	94,50 €	141,75 €	189,00 €

Lesaka (asteen 20 ordu):

	Aste 1	2 aste	3 aste	4 aste	5 aste	6 aste	7 aste
Ume 1	30 €	60 €	90 €	120 €	150 €	180 €	210 €
2 anai-arreba(-%15)	51 €	102 €	153 €	204 €	255 €	306 €	357 €
3+ anai-arreba (-%30)	63 €	126 €	189 €	252 €	315 €	378 €	441 €

Udalekuetan izen ematen duten Bortziriako haurren familiak egoera sozioekonomiko zaugarrian baldin badaude, ezarritako prezio horien % 50 ordaindu ahal izanen dute, izen emateko formularioan aukera hori markatzen badute. Ondoren hori egiaztatzen duen ziurtagiria eskatu behar dute haurra matrikulatuta dagoen ikastetxean, eta mankomunitatean aurkeztu ekainaren 9a baino lehen.

Deskontu hori aplikatzeko Nafarroako Gobernuko Hezkuntza Departamentuak ezarritako irizpideak hartuko dira kontuan, hau da, 2023-2024 ikasturterako 2022ko errenta aitortpena, zehazki bertan ematen den zerga oinarria eta familiako kide kopurua:

Familiakide kopurua	Zerga oinarria
Kide bat	12.720 €
2 kide	15.792 €
3 kide	17.988 €
4 kide	19.308 €
5 kide	20.628 €
6 kide edo gehiago	21.504 €

Errenta aitortpena egitetik salbuetsita daudenen edo Nafarroara berriki iritsi direnen kasuan balorazioa Bortziriako Gizarte Zerbitzuan eskatuko dute eta mankomunitatean aurkeztu, ekainaren 9a baino lehen.

6.- Matrikulen zenbatekoa itzultzea

Behin izena emanda, udalekuetan bajak izanez gero, ordaindutako diruaren itzulketak modu honetan egingen dira:

- Udalekuak hasi aitzinetik baja justifikatzen bada (eritasuna edo azken orduan sortutako arazo larriren bat, agiri bidez justifikatuta), matrikularen % 100 itzuliko da.
- Udalekuak hasi ondotik baja justifikatzen bada (eritasuna edo azken orduan sortutako arazo larriren bat, agiri bidez justifikatuta), matrikularen zati proportzionala itzuliko da (izena emanda dagoen epean falta diren egunei dagokiena).
- Udalekuak hasi aitzinetik baja emanez gero justifikaziorik gabe, matrikularen % 50 itzuliko da.
- Udalekuak hasi ondotik baja emanez gero ez da dirurik itzuliko.

Edozein kasutan, matrikularen dirua itzuli behar bada, bankuko gastuak beti familiaren gain izanen dira.

7.- Udalekuen antolaketa eta segimendua

Udalekuak Bortziriako Euskara Mankomunitateak antolatu ditu. Mankomunitateak Dindaia Fundazioa kontratatu du udalekuen prestaketa orokorraz, segimenduaz eta langileen kontratazioaz ardura dadin.

8.- Datu pertsonalen babesa

Tratamenduaren arduraduna: Bortziriako Euskara Mankomunitatea. Helburua: Izen-emateak kudeatzea. Eskubideak: Datuak eskuratu, zuzendu eta ezabatzeko eskubidea duzu, bertzeak bertze, mankomunitatearen bulegora edo helbide elektroniko honetara joz: euskara@bortziriak.eus. Informazio gehiago: [Pribatutasun Politika](#)

Bortziriak, 2024ko apirilak 10